

儀禮鄭注

冊一



線

531.12

242

25

v. 1

舊籍

儀

禮

四倍齋要

國家圖書館典藏

由國家圖書館數位化

四部備要

經部

上海中華書局據永懷堂

本校刊

桐鄉

陸費逵總勘

杭縣

高時顯輯校  
吳汝霖

杭縣

丁輔之監造

儀禮序

臨部言其一錄其具矣今以表論夫設對宜

云唐朝散大夫行太學博士弘文館學士賈公彥撰  
竊聞道本冲虛非言無以表其疏言有微妙非釋無  
能悟其理是知聖人言曲事資注釋而成至於周禮  
儀禮發源是一理有終始分爲二部並是周公攝政  
太平之書周禮爲末儀禮爲本本則難明末便易曉  
是以周禮注者則有多門儀禮所注後鄭而已其爲  
章疏則有二家信都黃慶者齊之盛德李孟愬者隋  
曰碩儒慶則舉大略小經注疏漏猶登山遠望而近  
不知愬則舉小略大經注稍周似入室近觀而遠不


國家圖書館



002431961

察二家之疏互有修短時之所尚李則爲先案士冠  
 三加有緇布冠皮弁爵弁既冠又著玄冠見於君有  
 此四種之冠故記人下陳緇布冠委貌周弁以釋經  
 之四種經之與記都無天子冠法而李云委貌與弁  
 皆天子始冠之冠李之謬也喪服一篇凶禮之要是  
 以南北二家章疏甚多時之所以皆資黃氏案鄭注  
 喪服引禮記檀弓云經之言實也明孝子有忠實之  
 心故爲制此服焉則經之所作表心明矣而黃氏妄  
 云衰以表心經以表首以黃氏公違鄭注黃之謬也  
 黃李之訓略言其一餘足見矣今以先儒失路後宜

易塗故悉鄙情聊裁此疏未敢專欲以諸家爲本擇  
善而從兼增己義仍取四門助教李玄植詳論可否  
僉謀已定庶可施矣函丈之儒青衿之俊幸以去瑕  
取玖得無譏焉



單廷尉無靈壽

會籍已安熟可誠美也文謝青谷文對幸以去眾

拜而皆兼數子其於眾四門也李支節藉能何否

學堂始悉臨暫啣疑批諱未煩專俗以請末錄本鞋



儀禮目錄

卷一

士冠禮

鄭目錄云童子任職居士位年二十而冠主人玄冠朝服則是仕於諸侯天子之士朝服皮弁素積古者四民世事士之子恆爲士冠禮於五禮屬嘉禮大小戴及別錄此皆第一

卷二

士昏禮

鄭目錄云士娶妻之禮以昏爲期因而名焉



必以昏者陽往而陰來日入三商爲昏昏禮  
士於五禮屬嘉禮大小戴及別錄此皆第二

卷三

士相見禮

鄭目錄云士以職位相親始承摯相見之禮  
雜記會葬禮曰相見也反哭而退朋友虞祔  
而退士相見於五禮屬賓禮大小戴及別錄  
士皆第三

卷四

鄉飲酒禮

鄭目錄云諸侯之鄉大夫三年大比獻賢者  
能者於其君以禮賓之與之飲酒於五禮屬  
嘉禮大戴此乃第十小戴及別錄此皆第四

卷五

鄉射禮

卷十鄭目錄云州長春秋以禮會民而射於州序  
之禮謂之鄉者州鄉之屬鄉大夫或在焉不  
改其禮射禮於五禮屬嘉禮大戴十一小戴  
及別錄皆第五

卷六

燕禮

鄭目錄云諸侯無事若卿大夫有勤勞之功  
與羣臣燕飲以樂之燕禮於五禮屬嘉禮大  
戴第十二小戴及別錄皆第六

卷七

大射

鄭目錄云名諸大射者諸侯將有祭祀之事  
與其羣臣射以觀其禮數中者得與於祭不  
數中者不得與於祭射義於五禮屬嘉禮大  
戴此第十三小戴及別錄皆第七

卷八

聘禮

鄭目錄云大問曰聘諸侯相於久無事使卿相問之禮小聘使大夫周禮曰凡諸侯之邦交歲相問也殷相聘也世相朝也於五禮屬賓禮大戴第十四小戴第十五別錄第八

卷九

公食大夫禮

卷十鄭目錄云主國君以禮食卜聘大夫之禮於五禮屬嘉禮大戴第十五小戴第十六別錄

第九

卷十

覲禮

大夫

卷十 鄭目錄云覲見也諸侯秋見天子之禮春見  
曰朝夏見曰宗秋見曰覲冬見曰遇朝宗禮  
備覲遇禮省是以享獻不見焉二時禮亡唯  
此存爾覲禮於五禮屬賓大戴第十六小戴  
十七別錄第十

卷十一

卷十一  
喪服

鄭目錄云天子以下死而相喪衣服年月親  
疎隆殺之禮不忍言死而言喪喪者棄亡之  
辭若全存居於彼焉已亡之耳大戴第十七  
卷十一小戴第九劉向別錄第十一

卷十二

士喪禮

鄭目錄云士喪其父母自始死至於既殯之  
禮喪於五禮屬凶大戴第四小戴第八別錄  
第十一

卷十三

卷既夕

鄭目錄云士喪禮之下篇也既已也謂先葬  
二日已夕哭時與葬閒一日凡朝廟日請啓  
期必容焉此諸侯之下士一廟其上士二廟  
士則既夕哭先葬前三日大戴第五刪小戴第  
卷十四別錄名士喪禮下篇第十三

卷十四

士虞禮

鄭目錄云虞安也士既葬其父母迎精而反  
日中而祭之於殯宮以安之虞於五禮屬凶

禮記目錄  
大戴第六小戴第十五別錄第十四

卷十五

特牲饋食禮

鄭目錄云特牲饋食之禮謂諸侯之士祭祖  
禴非天子之士而於五禮屬吉禮

卷十六

少牢饋食禮

鄭目錄云諸侯之卿大夫祭其祖禴於廟之  
禮羊豕曰少牢少牢於五禮屬吉禮大戴第

卷十七  
八小戴第十一別錄第十六



卷十七

有司徹

釋曰鄭目錄云少牢之下篇也上大夫既祭  
賓尸於堂之禮若下大夫祭畢禮尸於室中  
無別行賓尸於堂之事天子諸侯之祭明日  
而繹有司徹於五禮屬吉大戴第九小戴第  
十二別錄少牢下篇第十七

儀禮目錄

儀禮卷一

漢大司農北海鄭

玄註

明後學東吳金

蟠訂

士冠禮第一

士冠禮

筮于廟門

筮者以著問日吉凶於易也冠必筮日於廟門者重以成人之禮成于孫也廟謂禰廟不於堂者嫌

著之靈由廟神○筮市例反廟古廟字禰乃禮反

主人玄冠朝服緇帶素鞵卽位于門東西面

主人將冠者之父兄也玄冠委貌也朝服者十五升布衣而素裳也衣不言色者衣與冠同也筮必

朝服尊著龜之道也。緇帶黑緇帶也。士帶博二寸。再練四寸。屈垂三尺。素鞶白韋鞶也。長三尺。上廣

主

一尺。下廣二尺。其頸五寸。肩革帶博三寸。天子與

其臣玄冕以視朔。皮弁以日視朝。諸侯與其臣皮弁以視朔。朝服以日視朝。凡染黑

有司如主人服。卽位于西方。東面北上。

有司羣吏有事者謂主人之吏。所自辟除。府吏以下也。今時卒吏及假吏皆是也。

筮與席所卦者具饌于西塾。

筮所以問吉凶。謂著也。所卦者所以畫地記爻。易曰六畫而成卦。饌陳也。具俱也。西塾門外西堂也。

音○塾

布席于門中。闈西闈外西面。

闈門槩也。闈闈也。古反闈闈爲槩。闈爲感。○闈魚列切。闈音域。槩其月反。闈苦本反。槩魚列反。

筮人執筮抽上韝兼執之進受命於主人。

筮人有司主三易者也。韝藏筮之器也。今時藏弓矢者謂之韝丸也。進前也。自西方而前受命者當

知所筮也。

宰自右少退贊命。

宰有司主政教者也。自由也。贊佐也。命告也。佐主人告所以筮也。少儀曰贊幣自左詔辭自右。

筮人許諾右還卽席坐西面卦者在左。

卽就也。東面受命。右還北行就席。卦者有司主畫地識爻者也。○還音旋。後倣此。識音志。

卒筮書卦執以示主人。

卒已也。書卦者筮人吉吉以方寫所得之卦也。

主人受眡反之。

主

反還也。還音環。

筮人還東面。旅占卒進告吉。

卒

旅衆也。還與其屬共占之。古文旅作臚。

若不吉則筮遠日如初儀。

筮

遠日旬之外。

徹筮席。

徹去也。斂也。

宗人告事畢。

宗人有司主禮者也。

主人戒賓。賓禮辭許。將之。筮受命於主人。

戒警也。告也。賓主人之僚友。古者有吉事則樂與賢者歡。成之。有凶事則欲與賢者哀戚之。今將冠。子故就告僚友使來。禮辭一辭而許也。再辭而許曰固辭。三辭曰終辭。不許也。

主人再拜。賓答拜。主人退。賓拜送。

退去也。歸也。

前期三日筮賓。如求日之儀。

前期三日。空二日也。筮賓。筮其可使冠者。賢者恆吉。冠義曰古者冠禮。筮日筮賓。所以敬冠事。敬

冠事。所以重禮。重禮所以爲國本。

乃宿賓。賓如主人服。出門左。西面再拜。主人東面答

拜。

宿進也。宿者必先戒。戒不必宿。其不宿者爲衆賓。或悉來。或否。主人朝服。

乃宿賓。賓許。主人再拜。賓答拜。主人退。賓拜送。

拜

乃宿賓者親相見致其辭

宿贊冠者一人亦如之。

贊冠者佐賓爲冠事者謂賓若他官之屬中士若下士也宿之以筮賓之明日

厥朝夕爲期于廟門之外。主人立于門東。兄弟在其南。少退。西面北上。有司皆如宿服。立于西方。東面北上。

主

厥其也宿服朝服

答我主人

擯者請期。宰告曰。質明行事。

擯者有司佐禮者在主人曰擯在客曰介質正也宰告曰旦日正明行事冠事

告兄弟及有司。繇堂西出盥帶。繇

擯者

告也。有十。五。代。其。也。

告事畢。

告宗人

告也。

擯者告期于賓之家。夙興設洗。直于東榮。南北以堂深。水在洗東。

夙。早也。興。起也。洗。承盥洗者。棄水器也。士用鐵。榮。屋翼也。周制。自。卿。大夫。以下。其室。爲。夏。屋。水器。尊。

卑。皆。用。金。蠶。及。大。小。異。○。深。申。鳩。反。

陳服于房中西墉下。東領北上。

繇。繇。堂。西。出。盥。帶。繇。繇。堂。西。出。盥。帶。繇。

繇。堂。西。出。盥。帶。繇。繇。堂。西。出。盥。帶。繇。

繇。堂。西。出。盥。帶。繇。繇。堂。西。出。盥。帶。繇。



爵弁服纁裳純衣緇帶韎韐

此與君祭之服雜記曰士弁而祭于公爵弁者冕

之次其色赤而微黑如爵頭然或謂之纁其布三

十升纁裳淺絳裳凡染絳一入謂之纁再入謂之

纁三入謂之纁朱則四入與純衣絲衣也餘衣皆

用布唯冕與爵弁服用絲耳先裳後衣者欲令下

近緇明衣與帶同色韎韐韐也士纁韐而幽衡

合韋爲之制似韎冠弁者不以名焉今齊人名蒨爲

韎韐韐之制似韎冠弁者不以名焉今齊人名蒨爲

皮弁服素積緇帶素韎

冠名服耳今文纁皆作纁○韎爲妹韐音

閭纁七絹反纁丑貞反韐音弗蒨七見反音

此與君視朔之服也皮弁者以白鹿皮爲冠象上

古也積猶辟也以素爲裳辟蹙其要中皮弁之衣

用布亦十五升其色象焉韎音畢蔽膝也

玄端玄裳黃裳雜裳可也緇帶爵韎

此莫夕於朝之服。玄端，卽朝服之衣。易其裳耳。上士玄裳，中士黃裳，下士雜裳。雜裳者，前玄後黃。易曰：夫玄黃者，天地之雜色。天玄而地黃，士皆爵章爲鞞，其爵同，不以玄冠名服者，是爲緇布冠。陳之。

玉藻曰：鞞，君朱大夫素士爵章。○莫音暮。

緇布冠，缺項，青組，纓屬于缺，緇纒，廣終幅，長六尺，皮弁，笄，爵弁，笄，緇組，紘，纁邊，同篋。

缺讀如項，有類者弁之類，緇布冠也。項中有纒，亦由固際結項中，隅爲四綴，以固冠也。

類爲之耳。今未冠笄者，著卷續類象之所生也。滕薛名國爲類，屬猶著纁，今之續梁也。終，充也。纁，一

幅，長六尺，足以鞞髮而結之矣。笄，今之簪，有笄者，屈組爲紘，垂爲飾，無笄者，纒而結其條，纁邊，組側

赤也。同篋，謂此以上凡六物，隨方曰篋。○缺，依注音類去聲。藥，反屬章玉反。纒，山買反。著類，著卷之著

陟略反。纒，紀屈反。卷，去國反。古內反。猶著之著，直略反。隨他果反。

櫛實于簞。

簞音丹。筍也。音嗣。

蒲筵二在南。

筵席也。

側尊一甒。醴在服北。有篚實勺。觶角。枲脯醢南上。

側猶特也。無偶曰側。置酒曰尊。側者無玄酒服北者。纁裳北也。篚竹器如笥者。勺尊升所以酌酒也。爵三升曰觶。枲狀如七以角爲之者。欲滑也。南上者。篚次尊。籩豆次篚。古文甒作蕪。○無亡甫反。觶之鼓反。枲音四。醢音海。笥力呈反。對九于反。又音拘。揖也。

爵弁皮弁。緇布冠。各一匱。執以待于西。坫南。南面東上。賓升則東面。

主爵弁者制如冕。黑色。但無纁耳。周禮。王之皮弁會五采。玉璫象邸。玉笄諸侯。及孤。卿大夫之冕。皮弁會

各以其等爲之。則士之皮弁。又無玉象邸飾。緇布冠。今小吏冠。其遺象也。匪竹器名。今之冠箱也。執

主之者有司也。坵在堂角。古文匪爲纂。坵爲襜。纁音早。璫音其。邸丁禮反。纂素管反。又音纂。

主人玄端爵鞞立于阼階下。直東序西面。

玄端士入階之服也。阼猶酢也。東階所以答酢賓客也。堂東西牆謂之序。○阼才故反。答

兄弟畢袵玄立于洗東。西面北上。

兄弟主人親戚也。畢猶盡也。袵同也。玄者玄衣。玄裳也。緇帶釋位在洗東。退於主人。不爵鞞者。降於

主人也。古文袵爲均也。

擯者玄端負東塾。

東塾者未設也。負古文。塾古文。塾古文。塾古文。

東塾門內東。五氣中南面。

東塾門內東。五氣中南面。

將冠者采衣紒在房中南面。

紒

采衣未冠者所服玉藻曰童子之飾也。縹布衣。錦緣。錦紳并紐。錦束髮。皆朱錦也。紒結髮。古文紒為

結音界紒音界

賓如主人服贊者玄端從之立于外門之外。

外門

大

擯者告。

告者出

請入告

主人迎出門左西面再拜賓答拜。

左東也出以東為左入以東為右

主人揖贊者與賓揖先入。

贊者賤揖之而已。又與賓揖先入道之。贊者隨賓。

每曲揖入朝。賓揖主人。

周左宗廣入外門將東曲揖直廣將北曲又揖。

至于廟門揖入。三揖。至于階。三讓。坐尚右。

入門將右曲揖將北曲揖當碑揖。

主人升立于序。端西面。賓西序東面。

主人賓俱升立相鄉。○鄉許亮反。又作嚮。

贊者盥于洗。西升立于房中。西面南上。

盥于洗。西由賓階升也。立于房中。近其事也。南上。尊于主人之贊者。古文盥皆作浣。

主人之贊者筵于東序。少北西面。

主人位也。贊者其屬中士。若下士筵布席也。東序主

音

將冠者出房南面。

南面立於房外  
之西待賓命

贊者奠纒笄櫛于筵南端。

贊者賓之贊冠者也  
奠停也古文櫛爲節

賓揖將冠者將冠者卽筵坐贊者坐櫛設纒。

卽就  
設施

賓降主人降賓辭主人對。

主人降爲賓將盥不敢安位也  
辭對之辭未聞○爲于僞反

賓盥卒壹揖壹讓升主人升復初位

揖讓皆壹者降於初古文壹皆作一

賓筵前坐正纚興降西階一等執冠者升一等東面授賓

正纚者將加冠宜親之興起也降下也下

賓右手執項左手執前進容乃祝坐如初乃冠興復位贊者卒

進容者行翔而前鶴焉至則立祝坐如初坐筵前興起也復位西序東面卒謂設缺項結纓也

冠者興賓揖之適房服玄端爵鞞出房南面卒

復出房南面者一加禮成觀衆以容體



賓揖之。卽筵坐櫛。設筭。賓盥正。纚如初。降二等受皮弁。右執項。左執前。進祝。加之如初。復位。贊者卒絃。

如初爲不見者言也。卒絃謂繫屬之。

興。賓揖之。適房。服素積。素鞞。容出房南面。

容者再加彌成其饑益繁。

賓降三等。受爵弁。加之。服纁裳。鞞鞞。其他如加皮弁之儀。

降三等。下至地。他謂卒絃容出。

徹皮弁冠櫛。筵入于房。

徹者贊冠者主人之贊者爲之主。

主人入於房。序立。

筵于戶西南面。

筵主人之贊者。戶西室戶西。

贊者洗于房中側酌醴。加柶覆之面葉。

洗盥而洗爵者。昏禮曰房中之洗在北堂直室東隅。篚在洗東北面。盥側酌者言無爲之薦者。面也。葉柶大端贊酌者賓尊不入房。古文葉爲葉。

賓揖冠者就筵。筵西南面。賓受醴于戶東。加柶面枋。筵前北面。

戶東室戶東。今文枋爲柄。○枋皮命反。

冠者筵西拜受觶。賓東面答拜。

筵西拜南面拜也。賓還答拜於西序之位。東面者。以成人與爲禮異於答主人。

薦脯醢。

贊冠者也。

冠者卽筵坐。左執觶。右祭脯醢。以杞祭醴。三興筵末坐。啐醴。捷杞興降。筵坐奠觶拜。執觶興賓答拜。

捷杞。扱杞於醴中。其拜皆如初。古文啐爲呼。○啐。七內反。

冠者奠觶于薦東。降筵北面坐。取脯降自西階。適東壁北面見于母。

薦東。薦左。凡奠爵將舉者於右。不舉者於左。適東壁者。出闈門也。時母在闈門之外。婦人入廟由闈門。

母拜。受子拜。送母。又拜。

婦人於丈夫。舉其子。猶俛拜。

賓降直西序東面。主人降復初位。

初位。初至階。讓升之位。

冠者立于西階東南面。賓字之。冠者對。

辭對。應也。其辭未聞。

賓出。主人送于廂門外。

不出外門。將醴之。

請醴。賓賓禮辭許。賓就次。

此醴。當作禮。次。門外。更衣處也。必帷幕。簟席爲之。

冠者見於兄弟。兄弟再拜。冠者答拜。見贊者。西面拜。

亦如之。

見贊者西面拜則見兄弟東面拜贊者後賓出

入見姑姊如見母。

入入寢門也。楹在寢門外。如見母者亦北面。姑與姊亦俛拜也。不見姝姝卑。

乃易服。服玄冠玄端爵韠。奠摯見於君。遂以摯見於鄉大夫鄉先生。

易服不朝服者非朝事也。摯雉也。鄉先生鄉中老人。焉鄉大夫致仕者。○摯亦作贊音至。

乃醴賓以壹獻之禮。

壹獻者主人獻賓而已。卽燕無亞獻者。獻酢酬賓主人各兩爵而禮成。犧牲少牢饋食之禮。獻尸此其類也。士禮一獻。鄉大夫三獻。賓醴不用槽者。涉其醴內則曰斂。重醴清槽。凡醴事。賓者用槽。文者

子用清○涉  
禮反

主人酬賓束帛儷皮。

斂賓客而從之以財貨曰酬所以申暢厚意也束帛十端也儷皮兩鹿皮也古文儷爲難

贊者皆與贊冠者爲介。

贊者衆賓也皆與亦斂酒爲衆賓介賓之輔以贊爲之尊之斂酒之禮賢者爲賓其次爲介○與音

賓出主人送于外門外再拜歸賓俎。

一獻之禮有薦有俎其牲未開使人歸諸賓家也

若不醴則醕用酒。

若不醴謂國有舊俗可行聖人用焉不改者也曲禮曰君子行禮不求變俗祭祀之禮居喪之服哭

泣之位。皆如其國之故。謹脩其法而審行之。是也。酌而無酬酢曰醕。醕亦當爲禮。

尊于房戶之間。兩甌有禁。玄酒在西。加勺南枋。

房戶間者。房西室戶東也。禁。承尊之器也。名之爲禁者。因爲酒戒也。玄酒。新水也。雖今不用。猶設之。

古不忘也。

洗有篚。在西南順。

洗。庭洗。當東榮南北以堂深。篚亦以盛勺。陳於洗西南順北爲上也。○盛音成。

始加醕。用脯醢賓降。取爵于篚。辭降如初。卒洗升酌。

始加者。言一加一醕也。加冠於東序。醕之於戶西。同耳。始醕亦薦脯醢賓降者。爵在庭。酒在堂。將自

酌也。辭降如初。如將冠時降盥。辭主人降也。凡薦出自東房。

冠者拜受。賓答拜如初。

贊者筵于戶西賓升揖冠者就筵乃酌冠者南面拜受賓授爵東面答拜如醴禮也於賓答拜贊者

再薦之亦

冠者升筵坐左執爵右祭脯醢祭酒興筵末坐啐酒降筵拜賓答拜冠者奠爵于薦東立于筵西

冠者立俟賓命賓揖之則就東序之筵

徹薦爵筵尊不徹

徹薦與爵者辟後加也不徹筵尊三加可相因由便也

加皮弁如初儀再醮攝酒其他皆如初

攝猶整也整酒謂撓之今文攝爲攝○撓奴高反

加爵弁如初儀三醮有乾肉折俎臍之其他如初北



面取脯見于母。

乾肉牲體之脯也折其體以爲俎。膾嘗之。○膾才計反。

若殺則特豚載合升。離肺實于鼎。設局。鼐。

特豚一豚也。凡牲皆用左胖。煮於鑊。曰亨。在鼎曰升。在俎曰載。載合升者。明亨與載皆合。左。右胖。離。割也。割肺者。使可祭也。可膾也。今文局爲鼓。古文鼐爲密。○局古螢反。鼐。立歷反。鑊。戶郭反。亨。普庚反。

始醮如初。

亦薦脯醢。徹薦。爵筵尊不徹矣。

再醮。兩豆。葵。菹。羸醢。兩籩。栗脯。

羸醢。號。蝮。醢。今文羸爲蝮。○羸力禾反。號。音移。蝮。音俞。一音由。蝮。力禾反。又古華反。

三醮。攝酒如再醮。加俎。臠之。皆如初。臠肺。

命攝酒如再醮。則再醮亦攝之矣。加俎臠之。臠當爲祭字之誤也。祭俎如初。如祭肺臠。

卒醮。取籩脯以降。如初。若孤子。則父兄戒宿。干重宵。

父兄諸父諸兄。

冠之日。主人紒而迎賓。拜揖讓立于序端。皆如冠主禮於阼。

某冠主冠者親父若宗兄也。古文紒爲結。今文禮作醴。

凡拜北面於阼階上。賓亦北面于西階上。答拜若殺。則舉鼎陳於門外。直東塾北面。

孤子得申禮盛之外。面澆顯新。在有鼎不陳於門外。

若庶子則冠於房外南面遂醮焉。

房外謂尊東也。不於阼階非代也。不醮於客位成而不尊。

冠者母不在則使人受脯于西階下。戒賓曰某有子某將加布於其首願吾子之教之也。

吾子相親之辭。吾我也。子。男子之美稱。古文某爲謀。

賓對曰某不敏恐不能共事以病吾子敢辭。或曰主

病猶辱也。古文病爲秉。○共音恭。

主人曰某猶願吾子之終教之也。賓對曰吾子重有命某敢不從。

三敢不從許之辭。

或再續或取御之皆或取御

宿曰。某將加布於某之首。吾子將莅之。敢宿。賓對曰。某敢不夙興。

莅臨也。今文無對。

始加祝曰。令月吉日。始加元服。

令吉皆善也。元首也。○服叶蒲北反。

棄爾幼志。順爾成德。壽考惟祺。介爾景福。

爾女也。既冠爲成德。壽考祥也。介景皆大也。因冠而戒且勸之。女如是則有壽考之祥。大女之大福也。

三女。○福叶筆勸反。女音汝。下同。

再加曰。吉月令辰。乃申爾服。

○辰子丑也。申重也。服叶蒲北反。

敬爾威儀。淑慎爾德。眉壽萬年。永受胡福。

再

胡猶遐也。遠也。遠無窮。古文眉作麋。○福叶筆勑反。

三加曰以歲之正。以月之令。咸加爾服。

正猶善也。咸皆也。皆加女之。三服謂緇布冠。皮弁。爵弁也。

兄弟具在。以成厥德。黃耆無疆。受天之慶。

黃黃髮也。耆耋也。皆壽徵也。疆竟。○耆音苟。慶叶音羌。

醴辭曰甘醴惟厚。嘉薦令芳。

嘉善也。善薦謂脯醢芳香也。

拜受祭之。以定爾祥。承天之休。壽考不忘。

有不忘長

亦有其某之首。吾子。陳詩。文。類。詩。宣。樓。曰。

醮辭曰。旨酒既清。嘉薦亶時。

亶誠也。古文亶爲瘳。○瘳丁但反。

始加元服。兄弟具來。孝友時格。永乃保之。

善父母。母爲孝。善兄弟。爲友。時是也。格至也。永長也。保安也。行此乃能保之。今文格爲嘏。凡醮者不祝。

○來叶力反。嘏古雅反。

再醮曰。旨酒既滑。嘉薦伊脯。

滑清也。伊惟也。○滑思呂反。

乃申爾服。禮儀有序。祭此嘉爵。承天之祜。

祜福也。

三醮曰。旨酒令芳。籩豆有楚。

三皆美也楚陳列之貌

咸加爾服肴升折俎

亦謂豚肴升折俎

承天之慶受福無疆

再音羌慶叶

字辭曰禮儀既備令月吉日

筆力反

昭告爾字爰字孔嘉

昭明也爰於也孔甚也字叶音滋嘉叶居之反○

髦士攸宜宜之于假

之是爲大矣。○假古雅反。叶音古。宜

永受保之。曰伯某甫仲叔季。唯其所當。

伯仲叔季長幼之稱。甫是丈夫之美稱。孔子爲尼甫。周大夫有嘉甫。宋大夫有孔甫。是其類。甫字或

父作

屨夏用葛。玄端黑屨。青絢纁。純純博寸。

屨者順裳色。玄端黑屨。以玄裳爲正也。絢之言拘也。以爲行戒狀。如刀衣。鼻在屨頭。纁縫中。紉也。純

緣也。三者皆青博廣也。○紉其于反。纁於力反。純章尤反。纁扶用反。紉音旬。纁

素積白屨。以魁拊之。緇絢纁。純純博寸。

魁蜃蛤拊注也。○拊方于反。蜃上忍反。蛤音閣。

爵弁纁屨。黑絢纁。純純博寸。



爵弁履以黑爲飾。爵弁尊其履飾以績次。

冬皮履可也。不履總履。

素總履。喪履也。縷不灰。治曰總。○總音歲。

記冠義。始冠緇布之冠也。太古冠布。齊則緇之。其緇也。孔子曰。吾未之聞也。冠而敝之可也。

太古唐虞以上。緇縷飾。未之聞。太古質無飾。重古始冠。冠其齊。冠白布。冠今之喪冠是也。

適子冠於阼。以著代也。醮於客位。加有成也。三加彌尊。諭其志也。冠而字之。敬其名也。

冠名者。質所受於父母。冠成人。益文。故敬之。

委貌。周道也。章甫。殷道也。毋追。夏后氏之道也。

或謂委貌爲玄冠委猶安也言所以安正容貌章  
明也殷質言以表明丈夫也甫或謂父今文爲斧

毋發聲也追猶堆也夏后氏質以其形名之三  
冠皆所常服以行道也其制之異同未之聞

周弁殷冔夏收

弁名出於槃槃大也言所以自光大也冔名出於  
幘幘覆也言所以自覆飾也收言所以收斂髮也

天齋所服而祭也其制之  
異未聞○冔况甫反

三王共皮弁素積

質不  
變

無大夫冠禮而有其昏禮古者五十而后爵何大夫

冠禮之有

據時有未冠而命爲大夫者周之初禮年未五十  
而有賢才者試以大夫之事猶服士服行士禮二

十而冠。急成人也。五十乃爵。重官人也。大夫或時改娶。有昏禮。是也。

公侯之有冠禮也。夏之末造也。

葬造作也。自夏初以上。諸侯雖父死。子繼。年未滿五十者。亦服士服。行士禮。五十乃命也。至其衰末。上

下相亂。篡弑所由生。故作公侯冠禮。以正君臣也。坊記曰。君不與同姓同車。與異姓同車。不同服。示

三民不嫌也。以此坊民。民猶得同姓。以弑其君者。

天子之元子猶士也。天下無生而貴者也。

元子。世子也。無生而貴。皆由下升。

繼世以立諸侯。象賢也。

象。法也。爲子孫能法先祖之賢。故使之繼世也。


以官爵人。德之殺也。

殺猶衰也。德大者爵以大官，德小者爵以小官。

死而諡。今也。古者生無爵，死無諡。

今謂周衰記之時也。古謂殷士生不爲諡，死不爲諡。周制以士爲爵，死猶不爲諡耳。下大夫也。今也。記之時，士死則諡之，非也。諡之由魯莊公始也。

儀禮卷一



類書卷一

將文士  
大  
夫  
不  
大  
夫  
不  
大  
夫  
不

張而鑑今出古昔主無極張無鑑

大  
夫  
不  
大  
夫  
不  
大  
夫  
不

儀禮卷二

此西門外曲

至于鴈門。對人三對。漢大司農北海鄭玄註

明後學東吳葛蘄訂

主人士昏禮第二

昏禮

下達納采用鴈

達通達也。將欲與彼合昏。姻必先使媒氏下通其言。女氏許之。乃後使人納其采。擇之禮。詩云：「取妻」

如之何。匪媒不得。昏必由媒交接。設紹介。皆所以養廉。取納采而用鴈。爲摯者。取其順陰陽往來。

采七在反

主人筵于戶西。西上右几。

主祖之人。女。父也。筵。為神市席也。戶西者。尊處。將以先

神不統於人。席有首尾。○為于偽反。

使者玄端至。

使者。夫家之屬。若羣吏。使往來者。玄端。士莫夕之。服。又服以事其廟。有司。緇裳。○使所吏反。莫音暮。

擯者出請事入告。

君擯者。有司佐禮者。請猶問也。禮不必事。雖知猶問之。重慎也。

主人如賓服。迎于門外。再拜。賓不答拜。揖入。

門外。大門外。不答拜者。奉使不敢當其盛禮。

至于廟門。揖入。三揖。至于階。三讓。揖入。文揖。

入三揖者。至內。當將曲揖。既曲。北面揖。當碑揖。

主人以賓升西面。賓升西階。當阿。東面致命。主人阼階上北面再拜。門外。主人入北面再拜。賓

阿棟也。入堂深示親親。今文阿爲戔。○戔君委反。

授于楹間南面。

授于楹間。明爲合好。其節同也。南面並授也。

賓降出。主人降授老鴈。

老羣吏之尊者。

擯者出請。

不必賓之事。有無。

賓執鴈。請問名。主人許。賓入授如初禮。



問名者將歸卜其吉凶。古文禮爲醴。

擯者出請賓告事畢入告出請醴賓。

此醴亦當爲禮。禮賓者欲厚之。

賓禮辭許。

禮辭一辭。

主人徹几改筵。東上側尊。甌醴于房中。

徹几改筵者。鄉爲神。今爲人。側尊亦言無玄酒。側尊於房中。亦有甌。有籩豆。如冠禮之設。○甌云甫。

反鄉許亮反。爲于僞反。

主人迎賓于廟門外。揖讓如初。升。主人北面再拜。賓西階上北面答拜。主人拂几授校。拜送。賓以几辟北。

面設于坐左之西階上答拜。

拂拭也。拭几者，尊賓新之也。校几足，辟遠遁。古文校爲技。○辟，房益反。

贊者酌醴，加角柶，面葉出于房。

再拜。

贊，佐也。佐主人酌事也。贊者亦洗酌。加角柶覆之，如冠禮矣。出房南面待主人迎受。古文葉作揭。○

柶音

主人受醴，面枋筵前西北面。賓拜受醴，復位。主人阼

階上拜送。

主人西北面，疑立待賓。即筵也。賓復位於西階上，北面，明相尊敬。此筵不主爲飲食起。○枋，彼命反。

疑魚乙反，爲于僞反。

贊者薦脯醢。

薦進

賓卽筵坐。左執觶。祭脯醢。以杞祭醴。三西階上北面。

坐。啐醴。建柶興。坐奠觶。遂拜。主人答拜。

卽就也。左執觶則祭以右手也。凡祭於脯醢之者。間必所爲祭者謙敬示有所先也。啐嘗也。嘗之者。

成主人意。建柶也。興起也。奠停也。○簾之鼓反。啐七內反。扱初洽反。

賓卽筵奠于薦左。降筵北面。坐取脯。主人辭。

薦左。籩豆之東。降下也。自取脯者。尊主人之賜。將歸執以反命。辭者。辭其親徹。

賓降。授人脯。出主人送于門外。再拜。

人謂使者。從者授於階下。西面。然後出去。○從才用反。後從者皆同。

納吉用鴈。如納采禮。

士昏義

歸卜於廟得吉兆復使使者往告婚姻之事於是定

納徵玄纁束帛儷皮如納吉禮

徵成也。使使者納幣以成昏禮。用玄纁者象陰陽備也。束帛十端也。周禮曰凡嫁子娶妻入幣純帛

無過五兩。儷兩也。執束帛以致命。兩皮爲庭實。皮鹿皮。今文纁皆作熏。○儷音麗。純側其反。

請期用鴈。主人辭賓許告期如納徵禮。

主人辭者陽倡陰和。期日宜由夫家來也。夫家必先卜之得吉日乃使使者往辭。卽告之。

期初昏陳三鼎于寢門外。東方北面北上。其實特豚合升去蹄。舉肺脊二。祭肺二。魚十有四。腊一。肫髀不升。皆飪。設扃牖。

期取妻之日。鼎三者升豚魚腊也。寢室之室也。北面鄉內也。特猶一也。合升合左右。胖升於鼎也。去

之。踴，甲不用也。舉肺者，食時所先舉也。肺者，氣

代必舉之。貴之也。每皆二者。夫婦各一耳。凡魚之正

合，純也。純，純全也。凡鼎，用全。辨不升者，近竅，賤也。

設洗于阼階東南。  
今文屬作鉞，無皆  
作密。○鄉許亮反。

設洗于阼階東南。

洗所以承盥洗  
之器。棄水者。

饌于房中。醯醬二豆。菹醢四豆。兼巾之。黍稷四敦。皆

蓋。

醯，醬也。中，爲禦塵。蓋，爲尚溫。周禮曰：食齊視春時。○

敦，音對。食音嗣。  
齊才計反。下同。

大羹湑在饗。西。西。土。亦。八。

大羹湑。羹。肉汁也。大古之羹。無鹽菜。饗火上。周禮曰。羹。齊。視。夏時。今文湑皆作汁。○大如字。又音太。

湑。去急反。饗。七亂反。

尊于室中北墉下。有禁。玄酒在西。綌冪加勺。在南枋。

墉。牆也。禁。所以。版。瓶者。玄酒。不。忘古也。綌。粗葛。今文枋作柄。

尊于房戶之東。無玄酒。篚在南。實四爵合盃。

無玄酒者。略之也。夫婦酌於內尊。其餘酌于外尊。合盃。破菹也。四爵。兩盃。凡六。爲夫婦各三。一升。

曰爵。○盃音。謹。隨以。俱反。

主人爵弁。纁裳。緇縮。從者畢。玄端。乘墨車。從車二乘。

執燭前馬。

主人。婿也。婿爲婦主。爵弁而纁裳。玄冕之次。大夫以上親迎。冕服。冕服迎者。鬼神之神之。鬼神之神者。所以重之。親之。纁裳者。衣縹衣。不言衣與帶。而言纁者。空其文。明其與纁俱用縹。縹謂緣。縹之言。纁以縹緣裳。象陽氣下施。從者有司也。乘二車。從行者也。畢。猶皆也。墨車。漆車。士而乘墨車。攝盛也。執燭前。馬使從役。持炬火。居前。炬道。○縹以豉反。又音移。從才用反。乘繩。證反。迎魚正反。緣以絹反。又音

### 婦車亦如之。有綵。

亦如之者。車同等。士妻之車。夫家共之。大夫以上嫁女。則自以車送之。綵。車裳。幃。周禮謂之容。車有容。則固有蓋。○綵。昌古反。共音恭。恭。綵。

### 至于門外。

婦家大門之外。

### 主人筵于戶西。西上。右几。

主人女父也  
筵爲神布席

女次純衣纁禕立于房中南面

次首飾也今時髮也周禮追師掌爲副編次純衣  
絲衣女從者畢袵玄則此衣亦玄矣禕亦緣也補

之言任也以纁緣其衣象陰氣上任也凡婦人不  
常施禕之衣盛昏禮爲此服喪大記曰復衣不以

禕明非常○禕如占反  
髮皮義反追丁回反

姆纁笄宵衣在其右

姆婦人年五十無子出而不復嫁能以婦道教人  
者若今時乳母纁緇髮笄今時簪也纁亦廣充幅

長六尺宵讀爲詩素衣朱緒之緒魯詩以緒爲綺  
屬也姆亦玄衣以緒爲領因以爲名且相別耳姆

在女右當詔以婦禮○姆士侯  
反又音毋纁山買反緇他刀反

女從者畢袵玄纁笄被頰黼在其後



女從者謂姪婦也。詩諸娣從之。祁祁如雲。珍同也。同玄者上下皆玄也。穎禪也。詩云素衣朱襮。爾雅

云。黼領謂之褻。周禮曰。白與黑謂之黼。天子諸侯

后夫入狄衣。鄉大夫之妻刺黼以爲領。如今偃領

矣。士妻始嫁。施禪。禪於領上。假盛飾耳。言發期

非常服。○穎苦迨。反禪音丹。襮音博。刺七亦反。

主人玄端迎于門外。西面再拜。賓東面答拜。

賓

主人揖入。賓執鴈從。至于廟門。揖入。三揖。至于階。三

讓。主人升西面。賓升北面。奠鴈。再拜稽首。降出。婦從

降自西階。主人不降送。

賓升奠鴈拜。主人不答。明主爲授反女耳。主人不降送。禮不參。○爲于僞反。

壻御婦車。授綏姆辭不受。

御者曲禮曰僕而下之。綴所以引升車。

婦乘以几。姆加景。乃驅御者代。

乘以几者尚安舒也。景之制蓋如明衣。加之以爲行道禦塵。令衣鮮明也。景亦明也。驅行也。行車輪

三周御者乃代。景今文景作憬。○令力呈反。

壻乘其車。先俟于門外。

壻車在大門外。乘之先者道之也。男率女。女從男。夫婦剛柔之義。自此始也。俟待也。門外。壻家大門外。

婦至。主人揖婦以入。及寢門。揖入。升自西階。媵布席于奧。夫入于室。卽席。婦尊西南面。媵御沃盥交。

升自西階。道婦入也。媵送也。謂女從者也。御當爲訝訝迎也。謂壻從者也。媵沃壻盥於南洗。御沃婦

盥於北洗。夫婦始接，情有廉耻。騰御  
交道，其志。○騰以證反，御依註音訝。

贊者徹尊。冪舉者盥出，除鼎舉鼎入陳于阼階南。西

面北上。匕俎從設。

執匕者，執俎者從，鼎而入，設之，匕所以  
別出牲體也。俎所以載也。○別，彼列反。

北面載，執而俟。

執俎而立，  
俟豆先設。

匕者逆退，復位于門東北面西上。

執匕者，事畢，逆退，由便  
至此，乃著其位，略賤也。

贊者設醬于席前，菹醢在其北。俎入設于豆東，魚次

腊，特于俎北。

豆東菹  
醢之東

贊設黍于醬東。稷在其東。設湑于醬南。

鑊要  
方也。

設對醬于東。

對醬婦醬也。  
設之當特俎。

菹醢在其南北上。設黍于腊北。其西稷。設湑于醬北。  
御布對席。贊啓會郤于敦南。對敦于北。

啓發也。今文啓作  
開。古文郤爲郤。

贊告具。揖婦卽對筵。皆坐皆祭。祭薦黍稷肺。

贊者西面告鑊具也。婦  
揖婦使卽席薦菹醢。

贊爾黍授肺脊。皆食以涪醬。皆祭舉食舉也。

爾移也。移置席上。便其食也。皆食。食黍也。以用也。用者謂用口。啜漬用指。而醬。古文呼作稷。○啜昌。

悅反。師子闔反。

三飯卒食。

卒已也。同牢。示親不主。爲食起。三飯而成禮也。○飯扶晚反。下同。

贊洗爵酌。酌主人。主人拜受。贊戶內北面答拜。酌婦亦如之。皆祭。

酌漱也。酌之言演也。安也。漱所以潔口。且演安其所食。酌酌內尊。

贊以肝從。皆振祭。嘑肝。皆實于菹豆。南。

肝炙也。飲酒宜有肴。以安之。○嘑才計反。炙之夜反。

卒爵皆拜。

婦拜見上篇見母奠菜一章及內則

□□□□□□

贊答拜受爵再酌如初無從三酌用盞亦如之。

亦無從也

贊洗爵酌于戶外尊入戶西北面奠爵拜皆答拜坐祭卒爵拜皆答拜。

贊酌者自酢也

主人出婦復位。

復尊西南面之位

乃徹于房中如設于室尊否。

徹室中之饌。設于房中。爲媵御餞之。  
徹尊不設。有外尊也。○爲于僞反。

主人說服于房。媵受婦說服于室。御授姆授巾。

主巾所以自潔清。今文說作稅。○說吐活反。

御衽于奧。媵衽良席在東。皆有枕北止。

衽臥席也。婦人稱夫曰良。孟子曰。將  
衽良人之所之。止足也。古文止作趾。

主人入。親說婦之纓。

入者。從房還入室也。婦人十五許嫁。笄而禮之。因著纓。明有繫也。蓋以五采爲之。其制未聞。○說吐

昭活反。著略反。

燭出。

昏禮畢。將臥息。

媵餼主人之餘。御餼婦餘。贊酌外尊。酌之。

外尊。房戶  
外之東尊。

媵侍于戶外。呼則聞。

爲尊者有所徵  
求。今文侍作待。

夙興。婦沐浴。纚笄。宵衣以俟。見。

夙。早也。昏。明日之晨。興。起也。俟。待也。待見於舅  
姑。寢門之外。古者命士以上。年十五。父子異宮。

質明。贊見婦于舅姑。席于阼。舅卽席。席于房外南面。

姑卽席。

質。平也。房外。房戶外  
之西。古文舅皆作谷。

婦執筭。棗栗自門入。升自西階。進拜。奠于席。



筭竹器而衣者其形蓋如今之筭筭蘆矣進拜者進東面乃拜奠之者舅尊不敢授也○筭音煩衣

於既反筭菴  
居反蘆音廬

舅坐撫之興答拜婦還又拜

還又拜者還於先拜處婦人與丈夫爲禮則依拜○依古洽反

降階受筭殿修升進北面拜奠于席姑坐舉以興拜

授人

人有司姑執筭以起答婦拜授有司徹之舅則宰徹之○殿丁亂反

贊醴婦

醴當爲禮贊禮婦者以其婦道新成親厚之

席于戶牖間

室戶西廂  
東南面位

側尊甒醴于房中。婦疑立于席西。

疑正立自  
定之貌

贊者酌醴。加枲面枋。出房席前北面。婦東面拜受。贊西階上北面拜送。婦又拜薦脯醢。

婦東面拜贊北面答之變  
于丈夫始冠成人之禮

婦升席。左執觶。右祭脯醢。以枲祭醴。三降席東面坐。啐醴。建枲興拜。贊答拜。婦又拜。奠于薦東北面坐。取脯降出授人于門外。

奠于薦東升席奠之取脯降出授  
人親徹且榮得禮人謂婦氏人

舅姑入于室。婦盥饋。

饋者婦道既成。成以孝養。

特豚合升側載。無魚腊。無稷。並南上。其他如取女禮。

側載者。右胖載之。舅俎左。胖載之。姑俎。異尊卑。並南上者。舅姑共席于奧。其饌各以南爲上。其他謂

醬。清菹醢。女謂婦也。如取婦禮。同牢時。並當作併。○取七住反。

婦贊成祭。卒食。一醑。無從。

贊成祭者。授處之。今文無成也。

席于北墉下。

室中北墉下。

婦徹。設席前。如初。西上。婦餽。舅辭。易醬。

婦餒者卽席將餒也。辭易替者嫌淬汗。○淬七內反本或作染。

婦餒姑之饌。御贊祭豆黍肺舉肺脊乃食卒。姑酌之。婦拜受。姑拜送。坐祭卒爵。姑受奠之。

奠于

婦徹于房中。媵御餒姑酌之。雖無媵媵先。於是與始飯之錯。

古者嫁女必媵。媵從之謂之媵。姪兄之子。媵女弟也。媵尊姪卑。若或無媵猶先媵客之也。始飯謂舅姑錯者。媵餒舅餘御餒姑餘也。古文始爲媵。

舅姑共饗婦以一獻之禮。舅洗于南洗。姑洗于北洗。奠酬。

以酒食勞人曰饗。南洗在庭，北洗在北堂。設兩洗者，獻酬酢以潔清爲敬。奠酬者，明正禮成，不復舉。凡酬酒皆奠于薦左，不舉其燕則更使人舉爵。

舅姑先降自西階，婦降自阼階。

授之室，使爲主，明代己。

歸婦俎于婦氏人。

言俎則饗禮有牲矣。婦氏人，丈夫送婦者，使有司歸以婦俎，當以反命於女之父母，明其得禮。

舅饗送者以一獻之禮，酬以束錦。

送者，女家有司也。爵至酬賓，又從之以束錦，所以相厚。古文錦皆作帛。

姑饗婦人送者，酬以束錦。

婦人送者，隸子弟之妻妾，凡饗速之。

若異邦則贈丈夫送者以束錦。若爾爾類無不類無。

贈送也。就賓館也。

若舅姑既沒則婦入三月乃奠菜。

沒終也。奠菜者以筐祭菜也。蓋用董。○董音謹。

席于廟奧東面。右几席于北方南面。

廟考妣之廟。北方牆下。

祝盥婦盥于門外。婦執筭菜。祝帥婦以入。祝告稱婦之姓曰某氏來婦。敢奠嘉菜于皇舅某子。

帥道也。入入室也。某氏者齊女則曰姜氏。魯女則曰姬氏。來婦言來爲婦。嘉美也。皇君也。某子。

婦拜扱地。坐奠菜于几東。席上還。又拜如初。

極地。手至地也。婦入極地。猶男子稽首。○極初治反。

婦降堂。取筭菜入。祝曰。某氏來婦。敢告于皇姑某氏。奠菜于席。如初禮。

降堂。階上也。室事交乎戶。今降堂者。敬也。於姑言。敢告。舅尊於姑。

婦出。祝闔牖戶。

凡廟無事。則閉之。

老醴婦于房中南面。如舅姑醴婦之禮。

因於廟見禮之。

壻饗婦送者。丈夫婦人。如舅姑饗禮。

記士昏禮。凡行事。必用昏昕。受諸禰廟。辭無不腆。無

辱。廷命。駮。校。吳。具。文。主。入。受。禮。士。受。史。昔。自。東。出。干。

用昕使者用昏婿也。婿悉計反。從士從胥。俗作婿。女之夫。膜善也。賓不稱幣。不善。主人不謝來辱。

摯不用死。皮帛必可制。

一摯。鴈也。皮帛。儻皮束帛也。

腊必用鮮魚。用鮒必殺全。

殺全者不殺敗。不剝傷。○鮒音附。

女子許嫁。笄而醴之稱字。

許嫁。已受納徵禮也。笄。女之禮。猶冠。男也。使主婦。女賓執其禮。醴。古奉之。代醴持。

祖廟未毀。教于公宮。三月。若祖廟已毀。則教于宗室。

祖廟。女高祖為君者之廟也。以有總麻之親。就尊者之宮。教以婦德。婦言。婦容。婦功。宗室。大宗之家。



問名主人受鴈還西面對賓受命乃降

降

受鴈于兩楹間南面還于阼階上對賓以女名

吉所歸曰還俱達于宗室

祭醴始扱一祭又扱再祭賓右取脯左奉之乃歸執

以反命

反命謂使者問名納吉納徵請期還報于婿父○奉芳勇反

納徵執皮攝之內文兼執足左首隨入西上參分庭

一在南

攝猶辟也兼執足者左手執前兩足右手執後兩足左首象生曲禮曰執禽者左首隨入爲門中阨

狹西上中庭位併○辟必亦反爲于僞反阨于賣反

賓致命釋外足見文主人受幣士受皮者自東出于

後自左受。遂坐。攝皮逆退。適東壁。面盥。

賓致命。主人受幣。庭實所用爲節。士謂若中。士下士不命者。以主人爲官長。自由也。○長丁文反。

父醴女而俟迎者。母南面于房外。

女既次。純衣。父醴之于房中。南面。蓋母薦焉。重婚禮也。女奠爵于薦東。立于位而俟。婿至。父出使

擯者請事。母出南面房外。示親授婿。且當戒女也。

女出于母左。父西面戒之。必有正焉。若衣若笄。母戒諸西階上。不降。

必有正焉者。以託戒之。使不忘。

婦乘以几。從者二人。坐持几相對。

持几者。重慎之。

婦入寢門。贊者徹尊。冪酌玄酒。三屬于尊。棄餘水于

堂下階閒加勺。

屬注也。玄酒。洗水。貴新。昏禮又貴新。故事至乃取之。三注于尊中。屬音濁。洗舒銳反。

笄緇被纁裏。加于橋。舅答拜。宰徹笄。

女。被表也。笄有衣者。婦見舅姑。以飾為敬。橋所以度笄。其制未聞。今文橋為鎬。

婦席薦饌于房。

醴婦饗婦之席薦也。

饗婦。姑薦焉。

舅姑共饗婦。舅獻爵。姑薦脯醢。

婦洗在北堂。直室東隅。篚在東北面盥。

洗在北堂所謂北洗北堂房中半以北洗南北直室東隅東西直房戶與隅間

婦酢舅更爵自薦

更爵男女不相因也

不敢辭洗舅降則辟于房不敢拜洗

不敢與尊者爲禮○辟音避

凡婦人相饗無降

姑饗婦人送者于房無降者以北洗篚在上

婦入三月然後祭行

入夫之室三月之後於祭乃行謂助祭也

庶婦則使人醮之婦不饋

庶婦。庶子之婦也。使人醴之。不饗也。酒不酬。酢曰醴。亦有脯醢適婦酌之。以醴尊之。庶婦酌之以酒。卑之。其儀則同。不饋者。共養。統於適也。○醴子召反。適丁狄反。

昏辭曰。吾子有惠。貺室某也。

昏辭。擯者請事告之辭。吾子。謂女父也。稱有惠。明下達貺賜也。室。猶妻也。某。婿名。○妻。七計反。

某有先人之禮。使某也。請納采。

某。婿父名也。某也。使名也。

對曰。某之子蠢愚。又弗能教。吾子命之。某不敢辭。

對曰者。擯出納賓之辭。某。女父名也。吾子。謂使者。古文弗爲不。無能字。○蠢。失容反。

致命曰。敢納采。問名曰。某既受命。將加諸卜。敢請女

爲誰氏。

某某使者名也。誰氏者謙也。不必其主人之女。 煩不承命。

對曰。吾子有命。且以備數而擇之。某不敢辭。

卒曰某氏不記之者。明爲主人之女。

醴曰。子爲事故。至於某之室。某有先人之禮。請醴從者。

言從者謙不敢斥也。今文於爲于。○爲于僞反。

對曰。某旣得將事矣。敢辭。

將曰吾子有命。某不敢辭。不古曰吉。對某出煩言。

先人之禮。敢固以請。

主人辭固如故。 命煩不辭出。

某辭不得命。敢不從也。

夫

賓辭也。不得命者。不得辭己之命。

納吉曰。吾子有貺。命某加諸卜。占曰吉。使某也。敢告。

捷

貺。賜也。賜命。謂許以女名也。某。婿父名。

對曰。某之子不教。唯恐弗堪。子有吉。我與在某不敢辭。

與。猶兼也。古文與爲豫。○與音預。

納徵曰。吾子有嘉命。貺室某也。某有先人之禮。儷皮束帛。使某也。請納徵。致命曰。某敢納徵。對曰。吾子順先典。貺某重禮。某不敢辭。敢不承命。

命與常也法也

曰。封。與。爾。昧。承。其。宗。事。

請期曰。吾子有賜。命某既申受命矣。惟是三族之不虞。使某也。請吉日。

三族謂父昆弟己昆弟于昆弟虞度也不億度謂卒有死喪此三族者己及子皆爲服期期服則踰年欲及今之吉也雜記曰大功之末可以冠于終子○度大各反期音基

對曰。某既前受命矣。唯命是聽。

前受命者申前事也

曰。某命某聽命于吾子。

曰某誓父名也

對曰。某固惟命是聽。使者曰。某使某受命。吾子不許。



某敢不告期曰某日。

某吉日  
之甲乙。

對曰某敢不敬須。

須待  
也。

凡使者歸反命曰某既得將事矣敢以禮告。

告禮所  
執脯。

主人曰聞命矣。

父醮子。

子晉  
也。

命之辭曰往迎爾相承我宗事。

相助也。宗事宗廟之事。○相息亮反。

勗帥以敬先妣之嗣。若則有常。

勗勉也。若猶女也。勉帥婦道。以敬其爲先妣之嗣女之行。則當有常。深戒之。詩云：大如嗣徽。音○勗。

許玉反。女音汝。下同。大音泰。

子曰：諾。唯恐弗堪，不敢忘命。

賓至，擯者請對曰：吾子命某以茲初昏，使某將請承

命。

賓婿也。命某某婿父名。茲，此也。將，行也。使某行昏禮來迎。

對曰：某固敬具以須。

父送女，命之曰：戒之敬之，夙夜毋違命。

夙夙早也早起夜臥命舅  
姑之教命古文明母爲無

母施衿結帨曰勉之敬之夙夜無違宮事

帨佩巾

庶母及門內施鞶申之以父母之命命之曰敬恭聽  
宗爾父母之言夙夜無愆視諸衿鞶

庶母父之妾也。鞶鞶囊也。男鞶革女鞶絲。所以盛  
帨中之屬。爲謹敬申重也。宗尊也。愆過也。諸之也。  
示之以衿鞶皆託戒使識之也。不示之以衣笄者  
尊者之戒不嫌忘之視乃正字。今文作示俗誤行  
之。○鞶步干反。盛  
音成。識申志反。

宗子無父母命之親皆沒己躬命之

宗子者適長子也。命之命使者母命之。在春秋紀  
裂繻來逆女是也。躬猶親也。親命之則宋公使公

孫壽來納幣是也。言宗子無父。是有有父者。禮七十老而傳。八十齊喪之事不及。若是者。子代其父。爲宗子。其取也。父命之。

支子則稱其宗。

支子。庶昆弟也。稱其宗子。命使者。

弟則稱其兄。

弟。宗子母弟。

若不親迎。則婦入三月。然後婿見。曰。某以得爲外昏姻。請覲。

去。女氏稱昏。婿氏稱姻。覲見也。

主人對曰。某以得爲外昏姻之數。某之子未得濯漑。

於祭祀。是以未敢見。今吾子辱請吾子之就宮。某將走見。

主人。女父也。以白造。緇曰辱。○漑。古代反造。七報反。

對曰。某以非他故。不足以辱命。請終賜見。

非他故。彌親之辭。命。謂將走見之言。今文無終賜。

對曰。某以得爲昏姻之故。不敢固辭。敢不從。

不言外。亦彌親之辭。

主人出門。左西面。壻入門。東面奠摯。再拜出。

出門。出內門。入門。入大門。出內門。不出大門者。異於賓客也。壻見於寢。奠摯者。壻有子道。不敢授也。

也。摯。雉也。

擯者以摯出請受

欲使以賓  
客禮相見

壻禮辭許受摯入主人再拜受壻再拜送出

出己見  
女父

見主婦主婦闔扉立于其內

主婦主人之婦也見主婦者兄弟之道  
宜相親也闔扉者婦人無外事扉左扉

壻立于門外東面主婦一拜壻答再拜主婦又拜壻

出出主人對再拜

必先一拜者婦人  
於丈夫必俛拜

主人請醴及揖讓入醴以一獻之禮主婦薦奠酬無

幣入請顛又斟主人顛以一煇之顛主斟酒更隔無

及與也無幣異於賓客

壻出主人送再拜

斟立干門於東面主人送再拜主人送再拜

立於門東面主人送再拜主人送再拜

儀禮卷二

女父

斟酌酒授主人主人送再拜受斟再拜送

斟酌酒授主人

斟昔以華出請受

儀禮卷三

漢大司農北海鄭玄註

明後學東吳金蟠訂

士相見禮第三

士相見之禮

贄冬用雉夏用牷左頭奉之曰某也願見無由達某子以命命某見

某贄所款以至者君子見於所尊敬必執贄以將其厚意也士贄用雉者取其耿介交有時別有倫也

主雉必用死者爲其不可生服也夏用牷備腐臭也左頭頭陽也無由達言久無因緣以自達也某子

今所因緣之姓名也以命者稱述主人之意今文頭爲題○應其居反奉芳勇反下同見賢遍反凡



卑於尊曰見敵而曰見謙敬之辭也。下以意求之。他皆倣此。

主人對曰。某子命某見。吾子有辱。請吾子之就家也。

某將走見。

干有又也。某子命某往見。今吾子又自辱來。序其意也。走猶往也。今文無走。

賓對曰。某不足以辱命。請終走見。

士命謂請吾子之就家。

主人對曰。某不敢爲儀。固請吾子之就家也。某將走見。

不敢爲儀。言不敢外貌爲威儀。忠誠欲往也。固如故也。今文不爲非。古文云。固以請。

賓對曰。某不敢爲儀。固以請。

言如固請終賜見也。今文不爲非。

主人對曰。某也固辭不得命。將走見。聞吾子稱贄。敢辭贄。

不得命者。不得見許之命也。走猶出也。稱舉也。辭其贄爲其大崇也。古文曰。某將走見。○大音泰。下

同

賓對曰。某不以贄不敢見。

再見於所尊敬而無贄嫌大簡。

主人對曰。某不足以習禮。敢固辭。奉贄人門。立主人

言不足習禮者不敢當其崇禮來見己。

賓對曰。某也不依於贄。不敢見。固以請。

言依於贄謙自卑也

主人對曰某也固辭不得命敢不敬從出迎于門外

再拜賓答再拜主人揖入門右賓奉贄入門左主人

再拜受賓再拜送贄出

右就右也左就左也受贄於庭既拜受送則出矣不受贄於堂下人君也今文無也

主人請見賓反見退主人送于門外再拜

請見者為賓崇禮來相接以矜莊歡心未交也賓反見則燕矣下云凡燕見於君至凡侍坐於君子

博記反見之燕義臣初見於君再拜奠贄而出

主人復見之以其贄曰鄙者吾子辱使某見請還贄

於將命者

復見之者禮尚往來也以其贊謂歸時所執來者也歸曩也將猶傳也傳命者謂擴相也○歸許亮

音旋

主人對曰某也既得見矣敢辭

讓其來答己也

賓對曰某也非敢求見請還贄於將命者

言不敢求見嫌褻主人不敢當也

主人對曰某也既得見矣敢固辭

固如故也

賓對曰某不敢以聞固以請於將命者

言不敢以聞又益不敢當

固以請於將命者

主人對曰某也固辭不得命敢不從。

許受之也。異日則出迎。同日則否。

賓奉贄入。主人再拜受。賓再拜送。贄出。主人送于門外。再拜。

士見於大夫。終辭其贄於其入也。一拜。其辱也。賓退。

送再拜。

終辭其贄。以將不親答也。凡不答而受其贄。唯君於臣耳。大夫於士。不出迎。入一拜。正禮也。送再拜。

尊賓

若常爲臣者。則禮辭其贄曰某也辭不得命不敢固

辭。

禮辭一辭其贄而許也將不  
答而聽其以贄入有臣道也

賓入奠贄再拜主人答壹拜

奠贄尊卑異不親  
投也古文壹爲一

賓出使擯者還其贄于門外曰某也使某還贄

還其贄者辟正  
君也○辟音避

賓對曰某也旣得見矣敢辭

辭君還其贄  
也今文無也

擯者對曰某也命某某非敢爲儀也敢以請

還贄者請  
使受之

賓對曰某也夫子之賤私不足以踐禮敢固辭

家臣稱私踐行也言某臣也。不足以  
行賓客禮。賓客所不答者不受贊。

擯者對曰。某也使某不敢爲儀也。固以請。

言使某尊君也。或言命某傳言耳。

賓對曰。某固辭不得命。敢不從。再拜受。

受其贊而去之。

下大夫相見以鴈。飾之以布。維之以索。如執雉。

鴈取知時。飛翔有行列也。飾之以布。謂裁縫衣其身也。維。謂繫聯其足也。行戶。即反衣於旣反。

上大夫相見以羔。飾之以布。四維之。結于面。左頭如

麇。執之。

上大夫。麇也。羔。取其從帥羣而不黨也。面前也。繫聯四足。交出背上。於胸前結之也。如麇。執之者。秋

與獻。獻，有威禮如之。或曰：獻，狐之擊也。其禮蓋謂策左執前足，右執後足。今文頭爲脰。○辟莫兮反。

如士相見之禮。

大夫雖擊異其儀猶如士。

始見于君，執摯至下，容彌蹙。

下，謂君所也。蹙，猶促也。促，恭慤貌也。其爲恭，士大夫一也。

庶人見於君，不爲容，進退走。

容，謂趨翔。

士大夫則奠摯，再拜稽首。君答壹拜。

言君答士大夫一拜，則於庶人不答之。庶人之摯，鷩。古文壹作一。○稽音啓，下同。

若他邦之人，則使擯者還其摯，曰：寡君使某還摯。賓



對曰君不有其外臣臣不敢辭再拜稽首受凡燕見于君必辯君之南面若不得則正方不疑君

士

辯猶正也君南面則臣見正北面君或時不然當正東面若正西面不得疑君所處邪嚮之此謂特

見圖事非立賓主之燕也疑度之

君在堂升見無方階辯君所在

升見升堂見於君也君近東則升東階君近西則升西階

凡言非對也妥而後傳言

凡言謂己爲君言事也妥安坐也傳言猶出言也若君問可對則對不待安坐也古文妥爲緩○妥

收他果

與君言言使臣與大人言言事君與老者言言使弟

子與幼者言言孝弟於父兄與衆言言忠信慈祥與  
居官者言言忠信

博陳燕見言語之儀也言使臣者使臣之禮也大人卿大夫也言事君者臣事君以忠也祥善也居

官謂士以下

凡與大人言始視面中視抱卒視面毋改衆皆若是

始視面謂觀其顏色可傳言未也中視抱容其思之且爲敬也卒視面察其納己言否也毋改謂傳言見答應之間當正容體以待之毋自變動爲嫌解情不虛心也衆謂諸卿大夫同在此者皆若是

其視之儀無異也古文毋作無今文衆爲終○解古文賣反

若父則遊目毋上於面毋下於帶

子於父主孝不主敬所視廣也因觀安否何如也今文父爲甫古文毋爲無

若不言立則視足坐則視膝。

不言則伺其行起而已。

凡侍坐於君子。君子欠伸。問日之早晏。以食具告。改居則請退可也。

君子謂卿大夫及國中賢者也。志倦則欠。體倦則伸。問日晏近於久也。具猶辯也。改居謂自變動也。

古文伸作蚤。信早作蚤。

夜侍坐。問夜膳。葷請退可也。

問夜。問其時數也。膳葷。謂食之葷。辛物。蔥薤之屬。食之以止臥。古文葷作薰。○葷。香云。反薤。戶界反。

若君賜之食。則君祭先飯。徧嘗膳。飲而俟。君命之食。

然後食。皆言言。率集於父。只與衆言言。忠。訥。辨。與。

君祭先飯。食其祭食。臣先飯。示爲君嘗食也。此謂君與之禮。食膳謂進庶羞。既嘗庶羞則飲。俟君之

○徧嘗也。今云沽嘗膳。○飯扶晚反。咭音貼。

若有將食者。則俟君之食。然後食。

將食猶進食。謂膳宰也。膳宰進食則臣不嘗食。周禮膳夫授祭品嘗食。王乃食。

若君賜之爵。則下席再拜稽首。受爵升席祭。卒爵而俟。君卒爵然後授虛爵。

受爵者於尊所。至於授爵坐。投入耳。必俟君卒爵者。若欲其醴然也。今文曰若賜之爵。無君也。

退坐取屨。隱辟而后屨。君爲之興。則曰君無爲興。臣不敢辭。君若降送之。則不敢顧。辭遂出。

謂君若食之飲之而退也。隱辟。俛而逡巡興起也。辭君興而不敢辭其降。於己太崇。不敢當也。○爲

于僞  
反

大夫則辭退下。比及門三辭。

下亦降也。

若先生異爵者。請見之。則辭。辭不得命。則曰某無以見。辭不得命。將走見。先見之。

先生致仕者也。異爵謂卿大夫也。辭辭其自降而來走猶出也。先見之者出先拜也。曲禮曰主人敬

賓則先拜賓。

非以君命使。則不稱寡大夫。士則曰寡君之老。

謂擯贊者辭也。不稱寡君。不言寡君之某。檀弓曰。姓名而已。大夫卿士其使則皆曰寡君之某。檀弓曰。姓名

而未有祿者。君有饋焉。曰獻。使焉曰寡君之老。

凡執幣者不趨容彌蹙以爲儀

不趨主慎也。以進而益恭。爲威儀耳。今文無容。

執玉者則唯舒武舉前曳踵

唯舒者重玉器尤慎也。武迹也。舉前曳踵備躔跲也。今文無者古文曳作提。○躔音致跲其業反。

凡自稱於君士大夫則曰下臣。宅者在邦則曰市井之臣。在野則曰草茅之臣。庶人則曰刺草之臣。他國之人則曰外臣。

宅者謂致仕者去官而居宅或在國中或在野。周禮載師之職以宅田任近郊之地。今文宅或在野託

○古文茅作苗刺猶刺除也。刺七亦反。刺初限反。

10131068

儀禮卷三

亦又候時用又

經傳諸文應以字而論設取文舉今文字與義皆字音同義異也

女入俎曰於

女曰齊俎俎曰齊俎曰陳草文曰於

凡自辨於言曰齊俎曰齊俎曰市井

少令文舉義也

齊王齊俎曰齊俎曰齊俎

恭恭也

凡持俎者不齋容爾登以爲

中華民國玖年拾月拾伍

贈送

珍傲宋版印

國家圖書館



002431961

